

喙

鳴

詩

集

嘒鳴詩集目錄卷十三

七言律詩

莊亭

對月憶家園

寄長卿

夜雨到金山

揚州贈所知

早春駕幸百果園

寄黃鳴周李元甫于可遠

薊遼孫總督求解官却寄

楊花三首

燕昭王墓

塞上臘日

送單令郝謙伯

輓陳元忠

喜本寧入浙

雜贈九首

寄屠辰州田叔

寄本寧兼簡薛使君

暮直寄文融

憶君房讀書所兼寄朱叔明余大中

自哂

三日

廷試讀卷呈同事

和沈司空純甫得雋之作

送客之楚西

訊李元甫

喜雨客至

春日懷鑑湖

送葉侍郎進卿之留都

觀朝鮮征回軍

賦得當年憶箕仲

客從蜀來因送所適

贈楊博士日東

贈逃禪入王屋山

題唐伯虎楚宮秋圖

龍起泰山訊五大夫

大夫答

海豐楊太宰九十

寫真自詠

積雨東東隣

寄茅平仲陸無從因懷郭道人

送宋汝傑歸蜀

哭陸平泉老師

金陵沈頤貞先生崇祀鄉賢

汝南汪公崇祀鄉賢

聞琴

哭余僧果太常二首

哭屠長卿

聞長孺從諸少飲佛寺

施功甫以詩見贈踵韵答

荅謝曰可

曰可問余東湖答

天津曉發

道逢于可遠

浮沕河懷李于田中丞

望西山桃源寄屠田叔

陳大行元嵩銜命道余還山有詩見貽贈答

二首

山居贈客

賦得夢山寄九十一翁楊太宰酬貽仙棗

逢朱達卿話舊

餞丁國雲赴江西方伯

題鄧江先生廟

汪長文新宅成宅在大雷山中

東葉鄭朗

七言排律

附

寄題周紀善太霞洞天

趙汝邁范汝益田德萬張廷芳同日持節封

藩餞席得朝字

贈前德安倅何先生

潘使君海漕奏功  
大閤應制

夢芝谿

喙鳴詩集目錄卷十三終

喙鳴詩集卷十三

四明 沈一貫肩吾 著

七言律詩

曾 孫光燕子翼重校

莊亭

莊亭樹色曉生寒  
幾處扁舟欲渡難  
白鷺窺人雙眼碧  
倉鷁呼雨一衣單  
東來鷁革浮天柱  
西去羊裘入釣竿  
惟有酒旗青不捲  
月明搖櫓隔江看

對月憶家園

月如銀鏡好當臺  
酒與金波一色開  
乍似水南清

磬發還疑天未故人來花間香霧蜂堪釀雨後閒  
雲燕欲回蘆笋正生梅子熟小池連夜長莓苔

寄長卿

淡蕩韶光晚不收濕雲蒼霧隱芳洲永和曲水還  
三日陶令踈籬欲九秋竹下棋聲乘月度花間琴  
軫抱溪流候門稚子無無恙羨爾春風得自由

夜雨到金山

數過翻成失路蹊重來無處問招提烟扉洗鉢僧  
初定雨舫臨門鳥亂啼天外欲高金蘂蓄江心純

是玉玻璃若非智炬垂芒耀安得長廊續舊是

揚州贈所知

雙燕何曾歸漢苑數螢猶自照隋堤  
天空月近我今到笛短琴長人不迷  
砧杵頻年思塞北笙歌幾處憶關西  
欣然道故何容易莫笑臨風有滑稽

早春駕幸百果園

翔鳳亭臺送曉寒回龍閣道轉仙翰  
千花借發三春仗百果先呈萬壽盤  
木末禽魚吹宿靄池邊鴛鷺鼓迴瀾  
昨來宮老傳新調一夜啼鶯已習彈

寄黃鳴周李元甫于可遠

長懷理檝採芙蓉徙倚危樓日幾重  
飛夢落時雲縹緲函書來處鴈從容  
新知絳闕招黃綺故事青山問赤松  
會見汾陽迴道駕列仙何限剖符封

薊遼孫總督求解官却寄

有鳥東來字令威今年華表又成非  
蘆花滿目青雲盡榆葉連空白鴈稀  
客夢未能離桂舫主恩應不惜荷衣  
嘗嫌黃石遺書誤何必功成始息機

楊花三首

忽報飛瓊訪落暉登樓遙認是耶非團將香霧  
氤轉散却游絲斷續飛蝶夢成真穿牖入花魂不  
語趁簷歸朝來十六橋心路喜見山山雨色稀  
萬數長條化白虹紛紛相引度江東隋堤過雨還  
飛雪魏苑無人自起風舞羽暫隨瓊樹合唾花俄  
向碧雲空殷勤斗酒新豐暮誰忍韶華入轉蓬  
開自無心落更閒奔濤終日遶青山薄添燕壘棲  
梁上穩着蛛絲挂壁間豈有愁心來騁望將無倦  
羽亦知還笛中搖落梅花思一夜音書到玉關

燕昭王墓

汶篁舊植許誰尋  
燕草如絲自古今  
巨海不難浮白玉  
荒臺無復市黃金  
三家守塚遺民意  
薄暮停驂壯士心  
截葉漢關高百尺  
風雲玄感動哀吟

塞上臘日

臘日元戎出武威  
西風吹角塞雲微  
汗溝瀉凍膠金勒  
血淚凝丸打鐵衣  
明月乍逢孤鴈去  
驚沙還逐塞飛胡  
兒窟處無人說  
正向南山射虎歸

軍令郝謙伯

美人綰綬出東方子賤鳴琴舊有堂  
携得春風辭魏闕分將花事理河陽  
背城千嶂孤松秀遶郭三家薜荔香  
半月臺前芳草思哦詩端不廢迎將

輓陳元忠

萬樹寒烏棲復驚終宵飛遶鳳皇城  
宗臣未竟安劉業公子空高救趙名  
劍外涼風淩翠柳渝中哀壑慘銘旌  
蔡邕死後誰能作深負當年載筆情

喜本寧入浙

杏樹林中同應制桃花觀裏共題詩  
琴囊乍解初

升月書幌初開未起颺去國十年踈越絕浮湘三  
載熟騷詞知君欲暢觀濤意莫後清秋桂子期

雜贈九首

留京松柏天長保原廟衣冠月出游萬樹香風歌  
院落千家明月語江樓賈生雅志傳雙淚平子閒  
心托四愁永念高皇開朔日恩波深湧大江流  
鹿塞飛鴻近國門漁陽寒葉攬清樽踈星堂上平  
人事細雨庭前慘客魂歌罷五絃風入室醉醒  
劍月當軒何時委珮承春草共入華清謁

君王暫假一枝安，不信梅花又歲寒。空有長心馳  
碧落，更無短髮戴黃冠。馬卿肺病秋來甚，李廣侯  
封老去難。好在江州白司馬，休將殘燭掩羅看。  
故人相見眼初明，一架薔薇似水平。花徑微聞風  
後狹，草堂新聽雨餘驚。衰年久謝青藜役，愁絕能  
無白雪聲。把酒勸君君強飲，天涯華髮不重生。  
嗟君行役久渝烟，萬里歸來及暮蟬。風送寒雲承  
漢日，山連野火薄胡天。不妨狼藉論文酒，尚有支  
離質賦錢。後會雙龍何處是，茅山喜客引清泉。

夜深小雨浥芳蓀馥馥香風別院繁未有片言酬  
聖主空教一市笑王孫書來始覺吾廬靜客至無  
言漢樹溫江月半沉人未寢鷄聲遙發建章門

昔人悲動淮南木今爾摧殘楚樹秋手掩柴扉看  
落日心依蓮社隱滄洲空齋寂歷翻黃葉孤舫招  
搖信白鷗不是洞庭風月好教人間殺庾公樓

越禽糞馬各涯天猶戴南冠憶剡川柳暗鶯聲將  
百轉桑稀蠶箔好三眠山僧拄杖搖青玉溪女文  
筐散綠錢何日春風相問訊柯亭吹竹度朝烟

澄湖秋水練光開，乞與詩人細剪裁。  
小荇牽雲游別渚，新松扶日上高臺。  
南風習習蒲葵卧，西月微微桂艇來。  
歲去如馳青鬢老，知君雙劍亦徘徊。

寄屠辰州田叔

湘丘風土似長干，短髮何妨寄楚冠。  
橘柚黃時霜未落，魚龍起處月猶寒。  
江楓嫋嫋迎遷客，籬菊微微笑冷官。  
縱有鴈書誰達得，從來衡浦去廵難。

寄本寧無簡薛使君

楚岫當門三十六，山山明月向君低。  
清齋夜學諸

禽戲白佛朝聽百鳥啼春鴈未來人正北寒林乍  
啟日將西如聞倚杖看雲處恰值山公飲大堤

暮直寄孫文融

鷄樹黃昏對直廬歸鴉萬點集林初師丹老去能  
忘事劉向年來只校書滄海月明關塞笛寒江楓  
落故人車孤栖隻立成何用萬壑千山可笑予

憶君房讀書所兼寄朱叔明余大中

無懷人住漢城山負郭幽居水竹間幾日不梳青  
鏡白終朝偃卧綠苔班多藏舊訊無時荅每對殘

棋未肯閑誰為款門惟二仲蕪葭明月往猶還

自哂

種苓鋤术定何年縮地騰霄意可憐肘挾飛霞通  
海氣心懸朗月照湖烟大荒汗漫今宵雨小有清  
虛異日天元坐短檠誰是伴篋中新註養生篇

三日

三日春風吹綠波搔頭其柰曉霜何朝叅出去花  
初發休沐歸來月已過鷺渚草深雲澹蕩龍池魚  
暖樹婆娑後人長恨前人事怪得蘭亭說永和

廷試讀卷呈同事

仙關峩峨遞曉開公車楚楚對英才  
潛虬總為春雷出彩鳳咸儀聖日來  
萬國輸琛歸冊府群公曳履到星台  
臨軒正渴充廬彥甲乙須煩次第裁

和沈司空純甫得雋之作

沉沉東閣午城隈詔集公卿選士開  
太乙乍銜藜火下驪龍俄獻寶珠來  
未論桃李收公等且喜風雲合上台  
客薦揚雄真不忝黃金豈有未登臺

送客之楚西

江上逢君老更狂，明時何意有馮唐。  
官衫七尺青于水，旅鬢三條白似霜。  
寶劍秋風辭建業，琵琶新月度潯陽。  
衡山西去賓鴻少，豈乏游魚到武昌。

訊李元甫

木蘭開罷宿烟清，惠雨祥雲照眼明。  
楊子經年玄尚白，左思垂老賦須成。  
風來少女春三日，月轉峨眉夜五更。  
每恨人間無好事，惟懷天末有同聲。

喜雨客至

暮靄雲生碧海翻，逢逢雷動九衢喧。  
人因病暍方

馮几客為行霖忽歎門染出柳絲從霧織飛來榴  
火待風溫梁間燕子相將語御苑香泥氣似燭

春日懷鑑湖

坐對朝曦生綠條潛思春色秀蘭橈微風魚陣翻  
旅葉細雨禽聲長藥苗徑僻不辭雙屐軟波晴惟  
我一帆遙愁心未得騰蒼霧華髮何當老碧霄

送葉侍郎進卿之留都

烟明花煖艷緋袍詞客南征重禮曹春殿鴛行晴  
遶羽金門鳳彩畫飛毛鍾山月曉初垂橐淮海風

清舊舞刀欲採芳蘭文雜佩不堪白首誦離騷

觀朝鮮征回軍

韓山飛雨濯腥袍瀚海雄風賜節旄萬里樓船收  
曉霧千群鐵馬曳秋濤貪趨綉幙輕牙仗競買金  
釵賤寶刀獨有弟兄原上別驚鴻不定起哀號

賦得當年憶箕仲

擊水閑歌海樹蒼東郊月吐值漁郎青山墮影過  
前堰白水迴波入斷塘宿鷺洲邊江幾曲垂虹木  
杪鴈三行當年勝事同誰說都付春風一條傷

客從蜀來因送所適

玉女披衣秋氣清  
主人投轄晚山晴  
花間誰忍辭先醉  
飲裏何須畏後生  
鳥道萬重來不險  
江流九曲去還平  
椒潭桂浦經過處  
不減山陰雪裏行

贈楊博士日東

石湖晴色海雲東  
渭水閒心隱釣翁  
松樹年高凝湛露  
柘漿春暖醉微風  
方瞳遠注波光淨  
健足高凌鶴影空  
長憶方明階御日  
至今仙仗倚崆峒

贈逃禪入王屋山

有客逢秋興轉賒投簪西去引牛車玄猿獨應過  
王屋白鳥先驅入梵家寶月圓時翻貝葉香雲高  
處禮曇花還憐到日飛新瀑相對蒲團細品茶

題唐伯虎楚宮秋圖

虎頭縱飲石三千立染荆門萬壑烟嫋嫋踈櫺飄  
紫袖泠泠高閣隱朱絃桂花倏已消為水玉兔將  
無化作仙怪底朝來高髻賤衛娘雙鬢薄於蟬

龍起泰山訊五大夫

岱宗膚寸眇崔巍誰自行天挾五雷合沓仙間轉

幾處氤氲妖霧走千迴飛猿葉下憂天隕駭鹿枝  
橫惜地開為爾殷勤馳匹練丈人安坐九成臺

大夫答

秦皇避雨昔曾來玉冊金書一再開偃蓋猶能承  
日月彈絃終不驟風雷仙人拄杖行瑤草童子棋  
枰坐綠苔跋涉長鬚知汝厚白雲紅樹晚悠哉

海豐楊太宰九十

起居桃嶼老仙官幾淺蓬萊復此觀魚鳥去來人  
自在雲霞吞吐劍猶寒朝天奏向三山草選佛書

從十地看宅畔一泓稱北海都來傾入酒杯寬

寫真自詠

浪說圖真豈有真鬢絲何夜忽成銀可憐落拓青  
藜子獨覩椰榆白眼人壽國無成疑燕雀畫師終  
不到麒麟從來後輩輕前輩況我今先厭此身

積雨東東隣

愁雲終日鎖燕臺咫尺牆東屐未開林下負薪誰  
問出盤中劍鯉自飛來閒花寂寂虛含笑老樹呼  
呼但起哀義御此時能轉轂屬車何限揆天才

寄茅平仲陸無從因懷郭道人

三茅仙種還如鶴二陸名家尚有龍曾共小齋歌  
薜荔因過遠浦折芙蓉貞心終不移江水白髮猶  
誇作楚農却怪焦先遽如許潮痕深鎖落霞重

送宋汝傑歸蜀

君歸好作綏山眺我亦招邀若士游挂席未開春  
水動舉杯將屬晚山愁星辰崑閬深千古舟蓬蓬  
萊淺一丘緘就相思誰遞得峨嵋初月照西樓

哭陸平泉老師

海外三山倏送陰雲間孤鶴起悲吟荷裾挾羽飛  
銀漢藻綬生蟬挂石林渡海未煩靈鳥待占天應  
有歲星臨獨憐几杖違來久不及諸生共啟衾

金陵沈頤貞先生崇祀鄉賢

名九思子鳳翔給事中

俎豆新看登孝廉鬱金香簪送前簷南方有道推  
言偃累葉傳經到仲淹丹谷鳳來嗟尚隱白門龍  
起恨猶潛我今作諫霜毫澁為肅先生律數嚴

汝南汪公崇祀鄉賢

名治保定守子若霖給事中

三輔絃歌動保陽漢廷花鳥憶含香冰壺茂著風

霜節寶劍長留月月光桂籍翩翩垂畫錦靈旗颯  
颯下庾桑誰憐不盡匡時策絲筆于今付夕郎

聞琴

絃中嘹亮昔人心誰復橫肱理素琴陶令去時無  
酒伴孫登歸處有鸞吟思家步月松聲滑送遠悲  
風桂影深北斗低昂天萬里婆娑一老獨開襟

哭余僧杲太常二首

雲霄遲我我方卧涖塗辱君君豈知門外客來棋  
已靜夜分月到舟先移鴻毛萬里飛不極鶴夢千

年醒太遲今日寢門盡一哭他時宿草又同誰  
才如方朔堪言命道似黔婁不厭貧潮水打城還  
故國江風吹雨又新春此時酹酒憐清夜他日看  
燈憶美人祇為人琴無一在何言孤劍許交親

以君

正月十  
三日卒

### 哭屠長卿

氤氲蘭省尚闌香去謁蓮臺禮法王施却珠璣胸  
萬斛流為瓔珞淚千行潮聲夜靜呼靈唄山色秋  
雄發定光遠訃及門花正落計程應已到金方

聞長孺從諸少飲佛寺

謝家池上生春草  
阮氏林中動酒杯  
白髮會從玄髮飲  
桃花方間李花開  
千年月滿諸天閣  
萬里風高一釣臺  
莫惜庭前枯樹盡  
有人愁絕未曾來

施功甫以詩見贈踵韻荅

南國詞人好避喧  
茗溪進櫂水花繁  
簾前月上通荷氣  
戶外泥濛長竹孫  
寄遠青雲題尚濕  
懷人芳草思能溫  
可憐四十年前友  
頭白無成立薊門

荅謝曰可

謝家池館草光深江徼魚來展素心肯以閒情攻  
白業何慚玄髮屏華簪薜蘿夜午凝寒色鴻鴈天  
青度好音若遇採芝人見問為言松子正相尋  
曰可問余東湖荅

舊住東湖隱可招不禁人老夢魂勞草荒無復疏  
三徑髮盡何云感二毛霞嶼啼猿中夜雨月波鳴  
鶴九秋濤山僧昨寄新詩到歎息黃花只姓陶

天津曉發

津城縹緲露文微旅鴈參差憶夢非老眼已枯明

月上斷魂猶續故園飛清時北斗移天象此際長  
安親日畿天海恩波毛羽細江湖萬頃欲沾衣  
道逢子可遠

計公已老東山屐黃石猶函圯上書詔起蒲輪千  
載事人思霖雨十年餘旗亭月滿堯樽郁鈴閣風  
清漢網疎永願夔龍諧帝闕長教巢許愛吾廬

浮加河懷李于田中丞

呂梁東坼有通津太史河渠禹蹟新海若雍容朝  
甲子支祈宛委伏庚辰桂花明月迎歸客瓠子秋

風憶美人天上正憐河漢夕  
孤槎疑寄斗牛隣

望西山桃源寄屠田叔

南冠何事久逡巡  
延望西山隔幾塵  
已謂此身長  
作客安知今日復  
為人雲帆蓬海  
千年國水木  
桃源第一津  
焚却移文  
惟有笑多公  
調護白鷗鄰  
陳大行元嵩  
銜命道余遠  
山有詩見貽  
贈荅

二首

乞得君王鏡水舫  
還隨使者下星橋  
懸珠異彩明  
犀浦叩玉清音發  
鳳麟十畝藏身  
惟藪澤九重

國自雲霄臨風傾注無窮淚友誼君恩併一朝  
雲松霧桂見依稀芰製荷裁此日歸遠道風霜  
晚節故山城郭敞朝暉開樽玉樹閒相對揮  
雲澹欲飛願爾還朝將雨露灌輸滄海到漁

山居贈客

太平時節一閑身朝出松間拾委薪漁去忽疑空  
大澤樵來還可當嘉賓野心蕩漾隨流水雲影差  
池落近隣溪女能歌採蓮曲鋼刀如水削雙鱗

賦得夢山寄九十一翁楊太宰

知仙

鹿夢無如鶴夢長青山紅日兩徜徉不驚綺樹迎  
秋葉自愛黃花護晚香壺內旋添新壓酒枕前寧  
有未炊梁年年棗熟頻頻寄猶似相從過阜鄉

逢朱遠卿話舊

曉霽都莊兩轡齊看花時度直門西獵回俊鶻當  
空落飲罷慈烏欲夜啼隨牒幾年嗟日遠泛槎積  
水笑天低只今白鳥江村夕吸水無慙對老妻

錢丁國雲赴江西方伯

秋色平分巖桂開衣冠鄉里盡持杯人間方岳三

江重天上風雲九牧來劍老數過牛斗渡詩新還  
上鳳皇臺至尊正切臨流羨南顧須煩濟世才

題鄧江先生廟有序

先生王姓致名君一字吾鄉有慶曆五先  
生為楊先生適杜先生醇王先生說樓先  
生郁先生其一也樂道安貧以行誼文學  
為後進師王荆公為縣令表揚之徵秘書  
不赴老妻收秉稚子拾樵晏如也廟食于  
郡東南里人新之予有是作

無懷數澤一間身有道妻兒不厭貧二仲頻來相  
爾汝諸生迎拜儼君臣名將太乙青藜共廟與東  
華老樹隣坎坎擊鼉君至否紛紛椒糈玉為塵

汪長文新宅成宅在大雷山中

大槪長岑鳥道通清泉白石倚鴻濛君家樓閣開  
天上蓬島雲霞入掌中竹戶舊含紅藥雨芝階新  
汎玉蘭風藏書曾滿三千卷疑是龍門太史公

東葉鄭朗

鄭朗才華亦自雄楊花四韻語尤工病如獨後投

林鶴愁似孤飛絕塞鴻漫以五絃消白日誰於千載浥清風官奴城外浮雲滅幾度思君憶海翁

七言排律附

寄題周紀善太霞洞天

滇人周君紹稷言永昌有山曰普麻去峽口山四十里諸水會焉有洞窈窕周君斬茅伐石列炬而入始入僅一竅五級而上仰見天光自竇晶晶可別其間谿谷曠衍可容數百人胚胎凝結怪狀紛錯如珊瑚

樹者一羅漢者二百餘樓閣鐘磬犀象虎  
豹者甚衆太洞仙經云白帝皓鬱將回金  
太霞鄉此太霞洞天乎周君今為襄王紀  
善好文辭為賦長律

剪盡茅蕪得洞天瑶繩金簡帝親傳始知妙勝希  
聞事已出鴻濛未割前並集鴛鸞通上界平浮象  
馬到西川燒丹永蛻雲中鶴度世猶遺座底蓮湖  
海一行羈馬跡烟霞長自護芝田八公未厭淮南  
客風馭歸時路幾千

趙汝邁范汝益田德萬張廷芳同日持節封  
藩餞席得朝字

四子聲華凌霄霄桐圭銜命總今朝九重曉日明  
金冊三殿爐熏煖使輶寮采攀廼虛左席河津折  
盡向南條長途正惜分連理深夜何辭飲沃焦稷  
下談天無轂轆江南結珮有瓊瑤懸知到處逢迎  
好莫遣音書海樹遙

贈前德安倅何先生

大復先生宇宙名摩空作賦鬼神驚嵇家有子如

中散陶令無官寄耦畊舊巘蒙茸瑤草合層阿  
舊紫芝榮月華幾濕江離夢雨霽初調谷鳥聲目  
翫春萸如過客心儀秋榦是平生圖書四壁堪娛  
老花月三時不出城應有洞章開石室已教青鳥  
訊蓬瀛天漿並入南山酒客座無愁北海傾

潘使君海漕奏功

皇家轉漕出東方河決頻憂水部郎幾載負新沉  
漢壁俄聞驅石駕秦梁占星髣髴孤槎使取徑飄  
搖一葦航都下只疑天雨粟人間還似海為桑蒼

夷潤澤來千里紅腐因陳入萬箱不是大川舟楫  
穩無緣鼓腹頌堯湯

大閱應制

九年三月三日

天祚蘿圖鼎曆長帝懷桑土儼時康方新日御恢  
三統尚軫風歌守四方近拓星垣屯夜月親移轡  
帷發朝陽金堤暫駕辭中禁玉壘迴看轉未央萬  
乘雄風橫寶劍千官皎日捧牙璋干旌不動侯風  
舉怒馬含聲待令驤帳裏龍蛇繞天矯軍中魚鳥  
互低昂燕蹄冀角材元異地虎天龍勢可當太乙

兵來翻虎穴河魁將下捲鼉梁陣容忽變浮雲  
殺氣狂馳大磧黃已勞前軍過細柳還觀絕技到  
垂楊教成百戰蒼螭翼賜出千金寶玉裝夏矢號  
空漂日羽虞機曉霧捲天狼俯身撒轡渾閒事仰  
手承鳶更擅場六郡孤兒皆衛霍三條新唱總伊  
涼棄繻生羨千夫長解辦玉呼萬歲觴非縱侈心  
賦武節因咨宏略啟文昌獵殊雲夢休談馬游異  
甘泉不數揚煜煜兩階明羽籥輝輝三殿坐衣裳  
須知秦漢無中策惟有當今纂聖唐

夢芝谿

關山歲月坐江南夢入芝谿思不堪絕壁煙生明  
翠幙飛空泉落擁朱簾東來舞蝶過鳳畧西去  
蜂度窠巖長日唱歌溪女珮環村行樂酒家帘  
時水挾橋為竹桑夜天憑甕作蚕淨劖雲根分  
朮紛披雪顆種新杉珊瑚秀結枯藤子玳瑁文  
包嫩笋尖松愛下霄晨出沐竹欣栖雨夜按盞  
初茶已甲寧憂醉老芋成魁儘慰饒寡婦拾薪  
過北步群兒撲棗戲前簷樵歸夜靜謳山徑僧  
定年多

石龕闢狄不勞投廢井浴鳬何意截長潭喃喃燕  
語知誰恨恰恰鶯啼總自語鳩婦呼來三日雨蝸  
奴攬住滿溪嵐班荆自可延三益乞藥奚煩走尺  
絨酒思逢春加浩蕩詩腸值雨更濂纖休辭泥滑  
青藜杖詎信寒欺白苧衫琴未得絃聲已絕棋將  
收子戰猶酣桃源舊跡迷仙阮驚顛孤坐隱佛曇  
險韵難成留去鳥幽期莫展滯征驂真諧斤鷄鯤  
鵬性耻說滄洲吏隱無茗碗寒光頻送目胡纓霜  
氣屢掀髯安知此夜孤鴻影又宿誰家明月庵三

歎浮生行役老難為稚子候陶潛

嘑鳴詩集目錄卷十四

五言絕句

燈花

愁

漢宮詞

落梅

觀葬者

槐午

桃源

香山寺

寄內四首

題壁

得稷丘公哀問

復雨

太華山人

題內子照

大水

騶馬

過襲公

久旱得雨

九月十三日夜半雷電

天封塔

不雨

望洛迦山

粉團花

閣暮二首

遣興四首

游園不值

游仙二首

王母

王害風

五言六句

雜咏三首

喙鳴詩集目錄卷十四終

喙鳴詩集目錄卷十四

鳴鳴詩集卷十四

四明 沈一貫肩吾 著

五言絕句

燈花

豈有吉祥花影落離人榻  
只向夜深開不向夜深  
合

愁

愁霧深如海茫茫不可行  
忽如天際月減盡却還  
生

漢宮詞

萬靈朝泰時五岳麗鈎陳肺病方高枕虛勞賦大  
人

落梅

為有餘香在皆言是雪非因風憐素影點綴玉人  
衣

觀葬者

素翬照青燐啾啾鬼哭新園前無限地何處未  
人

槐午

槐午迷深院松寒蔭廣筵綠陰長在地白日不行天

桃源

鷄犬三家夕桑麻一葉春安知天地外別有古今人

香山寺

山僻燒痕多簷高直挂河禪心白雲在江海自流波

寄內四首

遠浦發秋砧看鴻憶汝音自傷趨鯉日翻媿弄雛  
心

杏粥調春冷椒漿漉夜寒老人看白日婉轉勸加  
餐

遠道不可思長愁非生理惟應機杼旁時弄小兒  
女

稚枝方婀娜不耐春風寒且教花底戲休與說長  
安

題壁

機事閒中盡良朋物外來  
方須極吟眺風雨莫相催

得稷丘公哀問

天地駐春難誰排白玉棺  
驚心更悲骨寸寸悉成酸

復雨

日盼西風至浮雲又入秦  
平林烟火寂鷄犬倍相親

未覩微霜迹  
震開小雪名  
山農侵澤出  
誰與計  
畊

太華山人

太華聳峒嶢  
中峰挂酒瓢  
綠鬟朝牧馬  
纖手夜吹簫

題內子照

縱爾描來似  
無如夢到真  
相呼不相應  
疑是息夫人

大水

秋到樹能呼驚濤入枕孤布帆拖雨在江鳥去雲  
無

騶馬

遠看纔見骨細察欲無毛何必論鞭影長堪侶大  
刀

過襲公

青雲浮曲榭白日滿重門一味香齏好齋厨搗夜  
喧

久旱得雨

未必饑全免應知渴可逃今年田作苦百倍徃時  
勞

九月十三日夜半雷電

縱是不平甚非時恐失威夢中驚起坐顛倒一牀  
衣

天封塔

落日正平西金方路不迷空行堪萬里何必盡高  
梯

不雨

不雨滯春畊經時苦太晴拂階窺蟻跡背郭數鳩聲

望洛伽山

海水不堪飲遊人莫憂渴望中甘露多前山已明月

粉團花

玉貌不冝愁汗漿應怯羞若無明月影何處覓香毬

閣暮二首

乾坤惟一室廊廟有孤臣乳燕朝開閣歸鴉暮演  
綸

每見蒼生語其如安石何平生愛泉石垂老恨風  
波

遣興四首

雨晴蛛結網風定燕營巢惟有冥鴻翼青門十里  
郊

秋鴻吹笛飛春燕捲簾入主人無所歸只向空階  
立

春來空有思老去更無為病鶴聲猶碎歸鴻力屢疲

寂莫過飛鳥蕭條看柳枝縱教酒杯畔不許罷相思

游園不值

江勢遙看去雨微微見來落花將鳥散碎葉觸星迴

游仙二首

樹癭含道體魚腹受丹書少室孤琴後瀟湘一笛

餘

人情薊子訓世事馬明生何日蓬仙駕浮游接太清

王母

西來停沆瀣東向坐熹微何事寒暄畢翻身入道機

王害風

世人皆害火爾獨害風何風火時騰轉青山不可磨

五言六句

雜咏三首

坐看微雨歇鴉背夕陽乾紫蟹肥歸棹蒼筠瘦釣竿曲終詩亦就不念雪兒寒

宵吟乘日發晝寢及雲歸人忌驪龍怒天憐獨鳥依是時黃鵠影高與白雲飛

庭葉秋方翦江雲偶爾留懷君讀書處窈窕幾層樓浪宕他年杖孤橫此日舟

喙鳴詩集卷十四終